



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lignvm Vitae, Ornamentum, & Decus Ecclesiae**

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

De sexto Stellato S. Bernardo Ptolom[a]eo Senensi, fundatore  
Monachorum Montis Oliueti. cap. LXVII.

**urn:nbn:de:hbz:466:1-38372**

De sexto Stellato Sancto Bernardo Ptolemæo Senensi,  
fundatore Monachorum Montis Oliueti.

Cap. LXVII.



**N**TER Stellatos dextræ partis S. P. N. Benedicti, sextus & ultimus apparet Sanctus Bernardus Ptolemæus, Ordinis Monachorum Montis Oliueti capodiis urentium, sub eiusdem Patris Regula, in Ethruria, fundator & institutor. Is Senator nobilissimus Senensis, & Artium egregius Doctor, Philosophiam in publica Academia cū profiteretur, repente utroque oculorum lumine orbatus, cum iam in summis positus videretur angustiis, ad Matris Dei patrocinia confugiens, eius auxilium obnixè postulabat: a qua cum non sine evidenti miraculo, pristina fuisset restitutus sanitati, protinus de abdicandis mundi voluptatibus, eius mentem sollicitudo pulsavit, & iam spiritu inflammatus diuino, omnem suam cogitationem ac mentem ad seruiendum Deo, eiusque gloriosissimæ Matri, incredibili conuertit affectu. Ita que in exætam ueniens, tanta facundia, copiaque dicendi ad mundi contemptum, cœlestesque diuitias complectendas, auditores hortatus est, ut omnes quotquot aderant in magnam suimet confusionem versi sint; & continuo quidam eorum, inter quos Ambrosius Piccolomineus, & Patritius, ex æquiuoca familia Patritia, æque nobilissimi Senatores, quasi quadam cœlesti facula accensi Bernardo adherentes, una secum, temporum perturbationes perosi ex urbe demigrarunt, & in proximum Senæ collem sese receperunt, eum de nomine illius Hierosolymitani, Dominicis uestigiis frequentati, Oliuetum montem appellantes. Vbi inediæ, vigiliis disciplinis, ac perpetuæ orationi, similibusque operibus pietatis cum uacarent, pluresque iam quotidie eorum sanctitatis bono odore illecti ad ipsos confluerent, non defuere, Demone auctore, qui bonis semper iniis aduersari solet, qui eos deferrent ad Pontificem, qui Auinione tunc temporis degebat, quasi nouarum rerum auctores: sed ab illo acciti, ac benignissimè accepti, causam suam, ira egregiè & innocenter defenderunt, ut a Summo Pastore, iam innocentes adiudicati, ad Guidonem Petramala Aretinum Episcopum, in cuius Diœcesi Montis Oliueti locus situs erat, cum mandatis ac literis Apostolicis remissi sint, quatenus eisdem habitum Sanctæ Religionis sub aliqua probata

data regula traderet. Factumque est dum in Italiam redirent, apparuit Episcopo Beata Dei Mater, Angelorum choro stipata, quæ ei viros illos commendans, candidum insuper habitum, & Regulam Sancti P. N. Benedicti porrigeret, qua deinceps uterentur. Cuius rei monumentum hodie quoque extare dicitur Aretii, in templo Sancti Trinitatis, parietibus pictum, quo in templo & uestis & regula illa ab Episcopo eis rite tradita est per manus Religiosi uiri Ioannis Monachi Camaldulensis Abbatia de Saxo Aretina Diæcesis, die Sanctæ Agnetis Virginis & martyris, qui propterea quotannis Montoluetanis Monachis celebris existit, anno Domini circiter 1320. Et sic nouellus & pusillus Ordo, a Monte Oliueti nomen retinens & paulatim Sanctitate & fama crescens, a sede demum Apostolica Gregorio Papa XII. sedente circa annum Domini 1372. approbatus, per multas Italiae ciuitates radices suæ propagines emisit.

*Cardinales, & Episcopi Ordinis Montis Oliueti.*

Cap. LXVIII.



**R**ATER Georgius Martinusius, Hungarus, Monachus Monasterij S. Pauli non longè a Buda in Hungaria, & Episcopus Varadini S. R. E. Presbyter Cardinalis, creatus a Iulio Papa III. in secunda unius Cardinalis creatione anni 1551. Pontificatus secundo, quarto Idus Octobris Romæ: occisus est in Hungaria à Sfortia Palauicino eodem anno, decimosexto calendas Ianuarij, ibiq; sepultus.

ANNOTATIO.

Scribitur à Panuino in utroque epitome fuisse Ordinis Eremitarum S. Pauli primi Eremitæ, qui Ordo, ut recentioribus placet, militare dicitur sub Regula S. Augustini, ut Trittemio uerò, li. 1. c. 3. de uir. ill. Ord. S. Ben. sub auspicijs eiusdem Patris nostri Benedicti: Ab ambobus tamen erratum est in æquinoco. Cum enim à Serenissimo Matthia Hungaria Rege, quædam Monasteria Patribus montis Oliueti data fuissent, inter quæ primū & præcipuum fuit Monasterium S. Pauli, in quo hic Georgius monachum egit, putauit ideo Panuinus Georgium Ordinis Eremitarum S. Pauli primi Eremitæ fuisse, quod fortè alia Monasteria eiusdem nominis non nosset: & hac itcm ratione arbitror Trittemium quoque nostrum hallucinatum, ut dixerit eius Ordinis Religiosos sub Regula S. P. N. Benedicti mi-

G 3 litare,